

ଯିହୁଦୀଙ୍କଠାରୁ ଲିଖିତ ପତ୍ର **ଜିହୁଦୀଙ୍କ ମାଡ଼ାନ୍ ରାସାତି ଆକୁ :** **ଇୟା ଆକୁଦି ମାନି ଏସ ମାଟା**

ଇୟା ଆକୁ ରାସାତିମାନି ଦରୁ ଇସାବତାନ୍ ଜିହୁଦୀ ରାସାତାମାନାତ୍ । ଜିହୁଦୀ ନିଜେଦିଙ୍କ୍ ଜାକୁବ ମାରି ଜିସୁଦି ତୋଡାନ୍ ଇଜି ପରିଚୟ ସିନାନ୍ । ଆଦେଙ୍କ୍ ଖାନିଙ୍କ୍ ଜିସୁଦି ତଡାନ୍ ଲୋଇ ଅରେନ୍ ଇଜି ବିସବାସ୍ କିନାର୍ ଏ ପାଡ଼ିଇ ନିୟମ୍ତି ବିସୟତିଙ୍କ୍ ଉଦ୍ଦାର୍ କିତିମାନିଙ୍କ୍ ଇକା ଉନ୍ତେ ଟିକ୍ ମଣ୍ଡଲିଦିଙ୍କ୍ ରାସାତିମାନି ଖାଜା ମନେଆଜିନାତ୍ । ଜିହୁଦୀ ଆକୁଦିଙ୍କ୍ ପୋଡାନିକାର୍ ଜିହୁଦି ଲୋକା ଖାଜା ପରିଚୟ ସିନାର୍ ଏମେକାର୍ କି ବୁବା ମାପୁରୁଦିଙ୍କ୍ ଜିବନ୍ନୋନାର୍ ଜିବନ୍ତାନ୍ କ୍ରସ୍ତୁଦି ଉଣ୍ଡିଙ୍କ୍ ଇଟାମାନାର୍ ଏ ଆମା ଆମାକା ବା ଆପିତ୍ ଜିହୁଦୀ ଝିଜେରେ କୁକାୟ ଆତିମାନି ଲୋକାଙ୍କ୍ ନିଜେଦି ବିଷୟତାନ୍ ଝେରସିନାନ୍ । ଇୟା ଆକୁ ପାକା ପାକି ଜିସୁ କ୍ରସ୍ତୁଦି ଜନମ୍ ଝେନକା ୬୦ ବାର୍ସେକ୍ ଝେନକା ରାସାତା ମାର୍ହାତ୍ ।

ଇୟା ଆକୁ ଏମେକାର୍ ବଣ୍ଡକ୍ରସ୍ତୁରି ତୋରିନ୍ ସଲ୍‌ସିମାର୍‌ଆର୍ ଖାନ୍ ଝିଜେରେ କ୍ରିସ୍ଟିୟାନକାଙ୍କ୍ ଜାଗ୍ରାତା କିନି ଉଣ୍ଡିଙ୍କ୍ ରାସାତାମାରାତ୍ । ଖାନ୍ ଖାରି ବିସୟତାନ୍ ତାର୍ତି ଖାଜା ପାଡ଼ିଇ ନିୟମ୍ ବିସୟ ମାରି ଗଟନା ବିସୟ ଝେରସିନାନ୍ । ଇକା ଆକୁଦୁ ମିତ୍ ଗୁରୁରି ବିରୁଦ୍ଧତାନ୍ ପିତରତି ମାରିଉନ୍ତ୍ର ଆକୁଦୁ ରାସାତିମାନି ଚିନ୍ତାଦି ବିସୟ ଝେରସିନାନ୍ । ଇୟାମାଡାନ୍‌କୁ ଦୁଡ୍ ମାରି ସଦମ ଗୋମରାଦି ବିସୟତାନ୍ ବା ରାସାତା ମାନାତ୍ ଜିହୁଦୀ ୪ ମାରି ୨ ପିତର ୨:୧ ।

ଇୟା ଆକୁଦୁ ମାନି ମୁକିୟ ବିସୟ

୧. ଇୟା ଜିହୁଦୀ ଆକୁ ବିସୟତାନ୍ ଏ ଜିହୁଦୀ ଆରିଡିନେ ଖାରି ପୋଡାନି ଖାରିଙ୍କ୍ ପରିଚୟ ସିଜିନାନ୍ । ୧:୧-୨
୨. ବଣ୍ଡଗୁରୁରି ବିରୁଦ୍ଧତାନ୍ ଜାଗ୍ରାତା କିଜିନାନ୍ । ୧:୩-୪
୩. ଖାନ୍ ପୁର୍ବେକାଡାଦି ନିୟମ୍ତି ଲୋକାଙ୍କ୍ ମାରି ବିସୟତିଙ୍କ୍ ଅସି ବୁଜା କିଜିନାନ୍ । ୧:୧୫-୧୬

୪. ଜାକୁବଦି ଜାଗ୍ରତା ପାଣି ଝାରି ଦାଇତ୍ ଇନିକା ଆନାତ୍ ଝାନ୍
ଅଡ୍‌ବିନାନ୍ । ୧:୧୭-୨୩

୫. ସାରାସାରି ମାପୁରୁକୁଁ ଗୌରବ୍ ସିଜି ଆକୁ ଝିସ୍‌ନାନ୍ । ୧:୨୪-୨୫

୧ ✧ଜିହ୍ୱଦା, ଜିସୁ କ୍ରିସ୍ତଦି ଅରେନ୍ ଦାସ୍ ମାରି ଜାକୁବଦି ତଡ଼ାସି,
ଆମାକାର ବୁବା ମାପୁରୁଦି ମାଣାନ୍ ବଦାଆତିକାର ମାରି ଝାନି
ଲାଡ଼ତିକାର, ମାରି ଜିସୁ କ୍ରିସ୍ତଦି ଉଣ୍ଡିଙ୍ଗ୍ ନେଗେନ୍‌ମାନାର୍, ଝାରି
ଲାକ୍‌ତୁ ଆକୁ ରାସ୍‌ସିନା ।

୨ ମି ଉଣ୍ଡିଙ୍ଗ୍ ମାପୁରୁଦି ଦୟା, ସାନ୍ତି ମାରି ଜିବନ୍‌ନୋନିକା ନାଣ୍ଡ
ଆପିତ୍ ।

କାବାକିନି ଗୁରୁର୍

୩ ଏ ଲାଡ଼ତି ତଡ଼କୁ, ମାଡୁ ଝିଜୁଲୋକୁ ଆମା ରକିୟାଦୁ
ମିସାତିମାନିକା ଆୟା ବିସୟତାନ୍ ମି ଲାକ୍‌ତୁ ରାସ୍‌ତେଙ୍ଗ୍ ନାଙ୍ଗ୍
ବଦା ମାର୍ହାତ୍ । ମାତର ଇୟାଦାପ୍ରେନେ ମାପୁରୁ ଝାନି ଲୋକାଙ୍ଗ୍
ଝିଜୁଦିନତି ଉଣ୍ଡିଙ୍ଗ୍ ସିତିମାନି ବିସ୍‌ବାସ୍‌ତି ତରିନ୍ ସାନିଜିନିକା ଜୁଦ୍
କିନି ଉଣ୍ଡିଙ୍ଗ୍ ମିଙ୍ଗ୍ ଝେଡ଼ିକା କିନି ଉଣ୍ଡିଙ୍ଗ୍ ରାସ୍‌ତେଙ୍ଗ୍ ଦରକାର୍
ଇଜି ଏଡ଼ କିତା ।

୪ ଏସ୍ ଅଦାମ୍‌ଦି ଲୋକୁ ମି ଲୋଇ ନେସ୍‌ଇ ଝାଜା ତୁଗିତାମାନାର୍
। ଝାର୍ ନିଜେଦି ତାଗ୍‌ଇ ପାଣିଦିଙ୍ଗ୍ ସାକାକିନି ଉଣ୍ଡିଙ୍ଗ୍ ମାପୁରୁଦି
ଦୟାଦି ବିସୟ ମାଟାଦି ତାଗ୍‌ଇ ଅର୍ଡ଼ କିଜିନାର୍ । ମା ଅରେନ୍‌ମାତର୍
ଗୁରୁ, ମାରି ପ୍ରବୁ ଜିସୁ କ୍ରିସ୍ତଙ୍ଗ୍ ଝାର୍ ମାନାଏର୍ । ଝାରି ଉଣ୍ଡିଙ୍ଗ୍
ଇଡାୟାଆତିମାନି ବିଚାର୍ ବିସୟତାନ୍ ବେସି ଆଗ୍‌ଡ଼ିରାନ୍ ଦାମ୍‌ସାସ୍ତ୍ରଦୁ
ରାସାତାମାନାତ୍ ।

୫ ଜଦି ମିର୍ ଇୟାଝିଜୁ ବିସୟ ପୁରା ନେସ୍‌ତି ମାନିଦେର୍, ମାରି
ନାନ୍ ମିଙ୍ଗ୍ ଏଡ଼ କିବିସ୍‌ତେଙ୍ଗ୍ ବଦା କିଜିନା ଜେ, ଉନ୍‌ଡ୍ରୁ ଦେବା ଜିସୁ
ମିସର୍ ଦେସ୍‌ତାନ୍ ଲୋକାଙ୍ଗ୍ ରକିୟା କିତାମାର୍ହାନ୍, ମାରି ଆମାକାର୍
ଅବିସ୍‌ବାସ୍ କିତାର୍, ଝେନ୍‌କା ଝାରିଙ୍ଗ୍ ଦଂସ କିତାନ୍ ।

୬ ମାରି ଆମା ମୁସ୍‌କୁପୁରତି ଦୁଡ଼କୁ ନିଜେ ନିଜେଦି ଅଦିକାର୍‌ତି
ଲୋଇ ତେବାଏଣ୍‌ଗା ନିଜେ ନିଜେଦି ଡିସ୍‌ତେସ୍‌ରେଏ, ଦୁଡ଼କାଙ୍ଗ୍

✧ ୧:୧ ମାଡିଉ ୧୩:୫୫; ମାର୍କ ୬:୩.

ଏଡ଼ କିନ୍ତୁ । ଖାନିକାଙ୍ଗ ମାପୁରୁ ପେରି ବିସାରତି ଝିଜୁଦିନ୍ତି ଉଣ୍ଡିଙ୍ଗ ଜଲ୍ଲତୁ ନାଣ୍ଡିକାଟିଦି ଝିଜୁ ଦିନ୍ତି ସାନ୍ତି କିଜି ଇଟାମାନାନ୍ ।

୭ ଆୟାଝାଜା ସଦମ୍ ମାରି ଗମୋରା ମାରି ଲାକ୍ତୁରି ଗାଡ଼କାଣି ଦଣ୍ଡିଙ୍ଗ ଏଡ଼ କିନ୍ତୁ । ଝାର୍ ତେବାତିମାନି ଆୟା ଦୁଡ଼କା ଝାଜା ପାଣି କିଜି ଦାରିପାଣି ମାରି ତାଗ୍‌ଇପାଣିଦୁ ମିସାତାର୍ । ଆଇଝାରିଙ୍ଗ ଜାଗରାତାକିନି ଉଣ୍ଡିଙ୍ଗ ଝାର୍ ଝିଜୁଦିନ୍ତି ନରକଦି ସିସୁଦୁ ଦଣ୍ଡିବୋଗ କିଜିନାର୍ ।

୮ ଆୟାଝାଜା ଇୟା ଲୋକୁ ଲବ୍ ସୁଡ଼ତୁମାନାପ୍ ଅଡ଼ବିଜି ନିଜେଦି ମେନ୍‌ଲ୍‌ତିଙ୍ଗ ପାପ୍ କିନାର୍ । ଝାର୍ ମାପୁରୁଦି ପାଣିଦିଙ୍ଗ ମାନାଏର୍ ମାରି କାବାଆନି ସାକ୍ତିଆଙ୍ଗ ନିନ୍ଦା କିନାର୍ ।

୯ ମାତର୍ ଝିଜେରିଙ୍ଗପେରି ଦୁଡ଼ ମୀଖାୟେଲ ବା ଇୟାଝାଜା ବ୍ୟବହାର୍ କିଏନ୍ ମାର୍ହାନ୍ । ମୋସାଦି ମାଡ଼ା ବିସୟତାନ୍ ସୟତାନ୍ତି ଝାଲେ ମାଟାଦିଙ୍ଗ ମାଟା ଆନିବେଡ଼ାଦୁ ମୀଖାୟେଲ ନିନ୍ଦା କିଜି ସୟତାନ୍ତି ବିଚାର୍ କିଏନ୍ ମାର୍ହାନ୍ । ଝାନ୍ କେବଲ ନିସନେ ଇର୍ହାନ୍, “ପ୍ରବୁ ନିଙ୍ଗ ଆଦରିସ୍ କିପିନ୍ ।”

୧୦ ମାତର୍ ଇୟା ଲୋକୁ ଆମା ଝିଜୁ ବିସୟ ନେସ୍‌ଏର୍, ଆୟାଝିଜୁଦିଙ୍ଗ ନିନ୍ଦା କିନାର୍, ମାରି ବୁଦିସିଲି ବନ୍ତି ଜାତୁ ଝାଜା ଆମା ଆମାକା ନେସ୍‌ନିଝାଜା ବୁଜାନେ, ଆୟାଝିଜୁ ଦାନ୍ ନେ ଆୟାକେଙ୍ଗ ନାସ୍‌ଆନେ ।

୧୧ ଇକା ଝାରି ଉଣ୍ଡିଙ୍ଗ ଏସ୍ ତିଲାନିକା । ଇରିଙ୍ଗ ଝାର୍ କୟିନଦି ସାରିଦୁ ସର୍ହାମାନାର୍, ବାଲାମ ଅର୍ତ୍ତ ତାବୁଙ୍ଗଲ୍‌ବତିଙ୍ଗ ଆମା ବୁଲ୍ କିତାମାର୍ହାନ୍, ଝାର୍ ଆୟା ମାଟାଦୁ ଆରତାମାନାର୍ ମାରି କୋରହ ଝାଜା ଜୁଦ୍ କିଜି ନାସ୍‌ଆତାମାନାର୍ ।

୧୨ ଝାର୍ ତିଲାଏଣ୍‌ଗା କାଡ଼ୁ ଉଣ୍ଡିଙ୍ଗି ସୋସ୍‌ସି ମି ଜିବନ୍‌ନୋନି ବୋଜିଦି କିଟିଙ୍ଗ ଝାଜା ଆଜିନାର୍; ଝାର୍ ନିଜେ ନିଜେଦି ଉଣ୍ଡିଙ୍ଗ ମୋନ୍‌ସିନାର୍ । ଝାର୍ ପିରୁ ଝାଜିମାନି ଗାଲିଦାନ୍ ଇମ୍‌ଜିମାନି ବାଦ୍‌ଡ଼ ଝାଜା; ଝାର୍ ଶରତ କାଡ଼ାଦୁ ପଲ୍ ଆସ୍‌ଇ ମାରାନ୍ ମାରି ଝେଲେଙ୍ଗତାସାରେଲାତି ଝାର୍‌ତି ମାରାନ୍ ଝାଜା ।

୧୩ ଝାର୍ ସାମୁଦୁରତି ନିଙ୍ଗି ଝାନି ଏରୁ ଉଲ୍‌କା ଝାଜା,

ଝାର ନିଜେ ନିଜେଦି ସେମାରତି ପାଣିଙ୍କ ପେପଲ୍ ଝାଜା ମୁସକୁ
ତରଜିଝାନାଡ଼ । ଝାର ଇମ୍ଜିବୁଲାନି ସୁକା ଝାଜା; ମାପୁରୁ ଝାରି
ଉଣିଙ୍କ ନାଶ୍ଟି ସିକାଟି ଝିଜୁଦିନ୍ତିଙ୍କ ଇଡାଆୟାଆତାମାନାଡ଼ ।

୧୪ ଆଦମଦିମାଣୁକୁ ସାତଗୋଟାଦି ମେମାରଏନ୍ ଜେ ହନୋକ,
ଝାନ୍ ବା ପୁର୍ବେ କାଡ଼ାଦୁ ଇୟାଝାରି ବିସୟତାନ୍ ବାବବାଣି ପ୍ରଚାର କିଜି
ଝେରସି ମାର୍ହାନ୍ : ପ୍ରବୁ ଆଜାର ଆଜାର ମୁସକୁପୁରତି ପବିତ୍ର ଦୁଡ଼କା
ଝାଲେ

୧୫ ଝିଜୁଲୋକାଙ୍କ ବିଚାର କିଦେଙ୍କ ଝାନାନ୍ । ମାରି ଅଦାମୁଦି
ଲୋକୁ ଝିଜେରେ ନିଜେ ନିଜେଦି ଅଦାମୁଦାନ୍ ଆମାଝିଜୁ ପାପ ପାଣି
କିତାମାନାର ମାରି ଅଦାମୁଦି ପାପି ଲୋକୁ ମାପୁରୁଦି ବିରୁଦ୍ଧତାନ୍
ଆମାଝିଜୁ ତାଗୁଇ ମାଟା ଇରଆ ମାନାର, ଆୟାଝିଜୁ ବିସୟତି ଉଣିଙ୍କ
ଝାରିଙ୍କ ଦସି କିଜି ଦଣ୍ଡ ସିନାନ୍ ।

୧୬ ଇୟା ଲୋକୁ ଝିଜୁଦିନ୍ ଝେଡ଼ିକାସିଲେ ମାରି ଆଇଝାରି ମୁସକୁ
ଦସତିଗନାର । ଝାର ନିଜେ ନିଜେଦି ତାଗୁଇପାଣିଦୁ ବୁଲାନାର; ଝାରି
ଝେୟୁ ପେରି ପେରି ମାଟେଙ୍କ ଇନାଡ଼ ମାରି ନିଜେଦି ତରାନି ଉଣିଙ୍କ
ଝାର ଲୋକା ମକମ୍ ମୁସକୁ ପ୍ରସଂସା କିନାର ।

ଜାଗ୍ରତାମାଟା ମାରି ଝେରନିକା

୧୭ ମାତର ଏ ନା ତଡ଼କୁ, ମା ପ୍ରବୁ ଜିସୁ କ୍ରିସ୍ତଦି ପ୍ରେରିତ ସିସୁର ପୁର୍ବେ
ଆମାଝିଜୁ ମାଟା ଝେରତାମାନାର, ଆୟାଝିଜୁ ଏଡ଼ କିଦୁ ।

୧୮ ☆ଝାର ଏଣ୍ଡେସ୍ ମିଙ୍ଗ୍ ଝେରସିମାର୍ହାର, “ସାରାସାରିଦି କାଡ଼ାଦୁ
ତାଗୁଇପାଣିଦିଙ୍କ ଆସାନି ଲୋକୁ ସୋସି ମିଙ୍ଗ୍ ସେମାର କିନାର ।”

୧୯ ଇୟା ଲୋକୁନେ ଅଲଗାଏରେପ୍ତେଙ୍କ ତିଆର କିନାର,
ଝାର କେବଲ୍ ମେନ୍ଦଲତି ବଦାଦାନ୍ ବୁଲାନାର ମାରି ମାପୁରୁଦି
ଆମ୍ବାସିଲିକାର ।

୨୦ ମାତର, ଏ ନା ତଡ଼କୁ, ମିର ପବିତ୍ର ଦାମୁବିସବାସ୍ ମୁସକୁ ନିଜେ
ନିଜେଦି ଦାମୁ ଜିବନ୍ ଝାଜା ଇଲୁକୁ ତିଆର କିନିଦେର, ପବିତ୍ର ଆମ୍ବାଦି
ସାକ୍ତିଦାନ୍ ପାରତାନା କିଦୁ ।

୨୧ ମାରି, ଏସକାଙ୍ଗୁଡ଼ିଇ ଜିବନ୍ତି ଉଣ୍ଡିଙ୍ଗ ମା ପ୍ରବୁ ଜିସୁ କ୍ରିସ୍ତଦି
ଦୟାଦିଙ୍ଗ କାପକିଜ ମାପୁରୁଦି ଜିବନ୍ନୋନିଙ୍ଗ ନିଜେଦିଙ୍ଗ ତିର୍
ତେବାଦୁ ।

୨୨ ନାମ୍‌ଏଣ୍‌ଗା ପେଡ଼ିଆତିମାନି ଲୋକା ମୋନ୍‌ତୁ ବିସ୍‌ବାସ୍‌ ତରତୁ
।

୨୩ ଏମେକାର୍ ତାଗ୍‌ଇମାନୁ ଆରିଜି ନାସ୍‌ ଆଦେଙ୍ଗ୍ ଝଲିସ୍‌ନି
ଲୋକାଙ୍ଗ୍ ସିସୁଦାନ୍ ରକିୟା କିଦୁ । ମାରି ଏସ ଲୋକା ପାପ କାସ୍‌ତି
ଝାତିଗନ୍ଦାଦିଙ୍ଗ କାଡ଼ଦୁ, ମାତର୍ ତିଏଲ୍‌ତାନ୍ ଝାରିଙ୍ଗ୍ ଦୟା କିଦୁ ।

ଦନ୍ୟବାଦ୍ ପାର୍ତ୍ତାନା

୨୪ ଏନ୍ ମିଙ୍ଗ୍ ଗାଡ଼ଦିରାନ୍ ରକିୟା କିଦେଙ୍ଗ୍ ମାରି ଝାନି ଗୌରବ୍
ଆଗ୍‌ଡ଼ି ଦସ୍‌ସିଲିକା ମାରି ଝେଡ଼ିକା କିଜି ଇଗାଝାଦେଙ୍ଗ୍ ତାର୍‌ମାନାନ୍,

୨୫ ମା ଆୟା ଅରେନ୍‌ମାତର୍ ରକିୟାକର୍ତ୍ତା ମାପୁରୁଦି ଗୌରବ୍,
ପରାକ୍ରମ ମାରି କିତିମାନି ପାଣି; ମା ପ୍ରବୁ ଜିସୁ କ୍ରିସ୍ତଦି ମାଣୁକୁ ପୁର୍ବେ
କାଡ଼ାଦାନ୍ ଇଲେଇ ସାନ୍ଦି ମାରି ଜୁଗ୍ ଜୁଗ୍ ଝାନିଦି ଆପିଡ଼ ! ଆମେନ୍
।

ମାପୁରୁଦି ସବ୍ ବାକ୍ୟ

The New Testament in the Konda Porja Lanugage of India. Konda-Dora: ମାପୁରୁଦି ସବ୍ ବାକ୍ୟ (Bible)

copyright © 2020 The Word for the World International and Konda Porja Translation Samithi, Dasamanthpur, Odisha

Language: Konda Porja (Konda-Dora)

Contributor: The Word for the World South Asia

ମାପୁରୁଦି ସବ୍ ବାକ୍ୟ

ପୁନି ନିୟମ, 2020

The New Testament in Konda Porja Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 6 May 2025 from source files dated 7 May 2025

506ae627-08e2-556a-b39e-5315f886d95a